

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი
ბრძანება N01-09/316**

ქ. ბათუმი

27 ივლისი, 2015 წ.

ეკონომიკისა და ბიზნესის ფაკულტეტის მენეჯმენტის საბაკალავრო საგანმანათლებლო პროგრამის ზოგიერთი სტუდენტისათვის ბსუ-ს სტუდენტის სტატუსის შეწყვეტის თაობაზე ინდივიდუალური ადმინისტრაციული სამართლებრივი აქტის გამოსაცემად ადმინისტრაციული წარმოების დაწყების შესახებ, რომელთა საგანმანათლებლო პროგრამის ვადა ამოიწურა 2012-2013 სასწავლო წლის ბოლოს და ვერ შეასრულეს პროგრამით გათვალისწინებული მოთხოვნები

ბსუ-ს ეკონომიკისა და ბიზნესის ფაკულტეტის დეკანის 2015 წლის 23 ივლისის №3330 მოხსენებითი ბარათის საფუძველზე ირკვევა, რომ ეკონომიკისა და ბიზნესის ფაკულტეტის მენეჯმენტის საბაკალავრო საგანმანათლებლო პროგრამის სტუდენტების - ლიკა გაზდელიანისა და ხათუნა ბერიძის საგანმანათლებლო პროგრამის ოპტიმალური ვადა ამოიწურა 2012-2013 სასწავლო წლის ბოლოს, ვერ შეასრულეს პროგრამით გათვალისწინებული მოთხოვნები და ერიცხებათ აკადემიური დავალიანებები.

ბსუ-ს წესდების 66-ე მუხლის მე-5 პუნქტის თანახმად, შესაბამისი საგანმანათლებლო პროგრამის ვადის ამოწურვისთანავე სტუდენტს უწყდება ბსუ-ს სტუდენტის სტატუსი. გამონაკლისი შეიძლება დაშვებული იქნას აკადემიური საბჭოს მიერ მიღებული გადაწყვეტილებით. ბსუ-ს აკადემიური საბჭოს მიერ 2011 წლის 20 აპრილის №55 დადგენილებით დამტკიცებული „რსუ-ს პირველი და მეორე საფეხურის უმაღლესი საგანმანათლებლო პროგრამების განხორციელების წესის“-ს მე-9 მუხლის მე-6 პუნქტის თანახმად, პირს, რომელმაც არ ან ვერ დაასრულა საგანმანათლებლო პროგრამა, უწყდება სტუდენტის სტატუსი. აღნიშნულიდან გამომდინარე მიზანშეწონილია და კანონშესაბამისი დაიწყოს ამ სტუდენტთა მიმართ ადმინისტრაციული წარმოება ბსუ-ს სტუდენტის სტატუსის შეწყვეტის თაობაზე ინდივიდუალური ადმინისტრაციულ-სამართლებრივი აქტის გამოსაცემად.

საქართველოს ზოგადი ადმინისტრაციული კოდექსის 72- 76-ე და 95 – 101 -ე მუხლების, „უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბათუმის შოთა რუსთაველის სახელმწიფო უნივერსიტეტის წესდების მე-13 და 66-ე მუხლების, უნივერსიტეტის აკადემიური საბჭოს მიერ 2011 წლის 20 აპრილის №55 დადგენილებით დამტკიცებული „რსუ-ს პირველი და მეორე საფეხურის უმაღლესი საგანმანათლებლო პროგრამების განხორციელების წესის“-ს მე-9 მუხლის მე-6 პუნქტის, ეკონომიკისა და ბიზნესის ფაკულტეტის დეკანის 2015 წლის 23 ივლისის №3330 მოხსენებითი ბარათის საფუძველზე

ვ ბ რ ძ ა ნ ე ბ :

1. დაწყებული იქნეს ადმინისტრაციული წარმოება ბსუ-ს სტუდენტის სტატუსის შეწყვეტის თაობაზე ინდივიდუალური ადმინისტრაციული სამართლებრივი აქტის გამოსაცემად ეკონომიკისა და ბიზნესის ფაკულტეტის მენეჯმენტის საბაკალავრო საგანმანათლებლო პროგრამის სტუდენტების - ლიკა გაზდელიანისა (70 კრედიტი) და ხათუნა ბერიძის (70 კრედიტი)

მიმართ, რომელთა საგანმანათლებლო პროგრამის ვადა ამოიწურა 2012-2013 სასწავლო წლის ბოლოს და ვერ შეასრულეს პროგრამით გათვალისწინებული მოთხოვნები (ერიცხებათ აკადემიური დავალიანებები);

2. დაინტერესებულ პირებს - სტუდენტებს, ადმინისტრაციულ წარმოებაში მონაწილეობის უზრუნველყოფის მიზნით, განემარტოთ, რომ შეუძლიათ **05 დღის ვადაში** წარმოადგინონ ბსუ-ს კანცელარიაში წერილობითი მოსაზრებები გამოსაცემ აქტთან დაკავშირებით;

3. ბსუ-ს სტუდენტის სტატუსის შეწყვეტის შესახებ ბრძანება გამოიცეს 2015 წლის 31 ივლისის შემდეგ, ჩატარებული ადმინისტრაციული წარმოების შედეგად, საქმის გარემოებების დეტალურად გამოკვლევისა და შესწავლის საფუძველზე;

4. ბრძანება ადმინისტრაციული წარმოების დაწყების შესახებ საქართველოს ზოგადი ადმინისტრაციული კოდექსით დადგენილი წესით, ოფიციალური გაცნობის მიზნით ჩაბარდეს დაინტერესებულ პირებს, რომლის უზრუნველყოფა დაევალოს ეკონომიკისა და ბიზნესის ფაკულტეტს და კანცელარიას;

5. ადმინისტრაციული წარმოება განხორციელდეს სსიპ - ბათუმის შოთა რუსთაველის სახელმწიფო უნივერსიტეტში, ქ. ბათუმი, ნინოშვილის ქ. №35;

6. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის N30);

7. ბრძანება ძალაშია გამოცემისთანავე.

რექტორის მოვალეობის შემსრულებელი,

ასოც. პროფესორი

მერაბ ხალვაში